

Dámhachtain – Gairmeacha Oscailte 2023, Céim 1

Snáithe íochtair (do dhámhachtainí idir €100,000-€250,000)

Snáithe uachtair (do dhámhachtainí idir €251,000-€500,000)

Treoirlínte d'Iarratasóirí

Spríodhata: 5.30 p.m. (am na hÉireann), Déardaoin 3 Márta 2022

Tabhair faoi deara: daoine faoi mhíchumas nó daoine a bhfuil riachtanais maidir le bealach isteach acu

Déanann an Chomhairle Ealaíon gach iarracht freastal réasúnta a chur ar fáil do dhaoine faoi mhíchumas nó do dhaoine a bhfuil riachtanais maidir le bealach isteach acu ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le hOifigeach Rochtana na Comhairle Ealaíon, ar an nguthán (01 618 0200/01 618 0243) nó trí ríomhphost (access@artscouncil.ie) chomh luath agus is féidir roimh an spríodhata.

CLÁR

Getting help with your application	3
Key points to remember	4
Important scheme note	5
1. About Open Call	6
1.1 Deadline for submission of applications	6
1.2 Objectives, purpose and priorities of the Open Call Award	7
1.3 Who can apply?	8
1.4 Who is the applicant?	8
1.5 Who cannot apply?	8
1.6 What may you apply for?	9
1.7 What may you not apply for?	12
1.8 What supporting material must you submit with your application?	12
1.9 Eligibility	14
2. How to make your application	16
2.1 Register with the Arts Council's Online Services	16
2.2 Fill in the application form	17
2.3 Prepare any supporting material required for the application	17
2.4 Make your application online	18
3. Processing and assessment of applications	20
3.1 Overview	20
3.2 The assessment process Phase 1	20
3.3 Criteria for the assessment of applications	20
3.4 Scoring process	21
3.5 Declaration of interest	23
3.6 Outcome of applications	24
3.7 Achomhairc	23

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin: <http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar

- **01 618 0200**
- **01 618 0243**

Má bhíonn ceist agat faoi d'iarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoiniú á chur faoina bráid agat ar ríomhphost nó ar an bhfón. <http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <http://www.youtube.com/artscouncildemos>

TABHAIR FAOI DEARA AN TREOIR SLÁINTE POIBLÍ MAIDIR LE COVID-19

Cé go meastar nach mbeidh COVID-19 chomh hábhartha is atá sé anois faoi 2023, ba cheart duit, agus do thogra á réiteach agat, a bheith airdeallach maidir leis an bhféidearthacht go bhféadfadh sé tionchar a bheith aige ar sheachadadh na ngníomhaíochtaí ealaíon.

Mar gheall air sin, ba cheart duit a chinntiú go bhfuil an méid atá á mholadh agat indéanta nó inoiriúnaithe má bhíonn tionchar ag scaradh sóisialta agus/nó bearta sláinte poiblí eile ar an tréimhse ar fad nó ar chuid den tréimhse lena mbaineann an togra seo.

Má éiríonn le d'iarratas agus más gá duit cuid de do thogra nó é ar fad a athrú de bharr athrú sa chomhairle sláinte poiblí, ba cheart duit dul i dteagmháil le d'fhoireann ealaíon roimh ré chun é sin a phlé.

Pointí tábhachtacha nach mór cuimhneamh orthu

- D'fhonn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le **cúig lá oibre** a thógáil sular féidir úsáideoir nua a chlárú ar OLS, mar sin tabhair go leor ama duit féin é seo a dhéanamh sula mbeidh an spriocdháta buailte leat.
- Molaimid go láidir duit an cháipéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **go leor ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriocdháta fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an lín mhóir iarrthóirí a úsáideann an córas ar líne lá an spriocdháta, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 p.m. lá an spriocdháta**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnamh a fháil, i bhfad roimh an spriocdháta.
 - Tá gach cuid den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.
-

Nóta tábhachtach faoin scéim

An snáithe ceart a roghnú do Ghairmeacha Oscailte 2023

Tá dhá shnáithe i nGairmeacha Oscailte 2023, **Snáithe Íochtair do dhámhachtainí idir €100,000-€250,000** chun tacú le tograí ar mheán-scála uailmhéine, agus **Snáithe Uachtair do dhámhachtainí idir €251,000-€500,000** chun tacú le cláir atá ar scála níos mó. Tá gach snáithe deartha chun tacú le tograí ar mhéideanna difriúla agus le cláir mar fhreagra ar Dheich mBliana na gCuimhneachán.

Féadfaidh duine ar leith nó eagraíocht iarratas **amháin** a dhéanamh ar Ghairmeacha Oscailte 2023, agus dá bharr ní féidir ach iarratas a dhéanamh **ar cheann amháin den dá shnáithe atá ar fáil**. Ba cheart duit an snáithe is oiriúnaí do do thogra nó do chlár a roghnú.

Tabhair faoi deara go mbeifear ag súil go gcuirfidh na hiarratasóirí a n-éireoidh leo tús lena gcuid tograí i 2023 agus go gcuirfear i gcrích nó go ndéanfar iad a sheachadadh gan a bheith níos déanaí ná an chéad ráithe de 2024 de réir na bliana deiridh de Dheich mBliana na gCuimhneachán.

Tabhair faoi deara:

Ní bhogann iarratasóirí idir snáitheanna i gcúinsí ar bith, is cuma cén chéim den **Ghairm Oscailte** atá ann.

Mar shampla, má éiríonn le d'iarratas i snáithe íochtair Chéim 1 den Ghairm Oscailte, gheobhaidh tú cuireadh don sháithe íochtair Chéim 2. Níl cead bogadh idir na snáitheanna; caithfidh d'iarratas fanacht sa snáithe a ndearna tú iarratas air i gCéim 1.

1. Maidir le Gairmeacha Oscailte

1.1 An spriocdháta chun iarratais a chur isteach

Ní mór gach iarratas a dhéanamh trí úsáid a bhaint as Seirbhísí ar Líne na Comhairle Ealaíon.

Is é an spriocdháta i gcomhair iarratas:

5.30pm, Déardaoin, an 3 Márta
2022

Faisnéis faoin Dámhachtain

Mar fhreagra ar an gcéim dheiridh de **Dheich mBliana na gCuimhneachán**, tá clár náisiúnta, **Ealaíon 2023** beartaithe ag an gComhairle Ealaíon, gairm oscailte ar ealaíontóirí agus ar eagraíochtaí ealaíon, chun ionadh a chur orainn agus chun an stát a athnuachan. I gcomhpháirt le agus le tacaíocht ón Roinn Turasóireachta, Cultúir, Ealaíon, Gaeltachta, Spóirt agus na Meán, beidh an glaoch ar siúl i 2022; fógrófar agus cuirfear tús le clár deiridh i 2023; is deis uathúil í d'ealaíontóirí athbhrí a chur i samhlaíocht na hÉireann agus féachaint ar Dheich mBliana na gCuimhneachán ó dhearcthaí nua trí thograí uailmhianacha a chruthú.

Cuirfidh an clár seo leis an gclár **Ealaíon 2016**, a chuir an Chomhairle Ealaíon i láthair roimhe le tacaíocht ón Rialtas.

Gairm Oscailte ar ealaíontóirí agus ar eagraíochtaí ealaíon na hÉireann chun tionscadail chomhoibritheacha cheannródaíocha atá dírithe ar an bpobal a chruthú a bhfuil uailmhian, tionchar agus scála ag baint leo a spreagann plé, agus a ghríosaíonn nó a thugann freagra i dtaca le háit agus féiniúlacht mar chuid d'Éirinn na linne seo.

Is clár é Gairmeacha Oscailte d'ealaíontóirí agus d'eagraíochtaí ealaíon chun a gcleachtas a fhorbairt agus a athrú ó bhun agus aird a tharraingt ar a saothar don phobal ar scála náisiúnta, agus ealaín ag a bhfuil próifíl ard a bheidh lárnach i saol daoine a chruthú.

Laistigh de chomhthéacs na dámhachtana seo, tagraíonn comhoibriú d'oibriú le healaíontóirí nó eagraíochtaí eile, nó d'fhéadfadh sé tagairt do chomhoibriú le pobail áite nó pobail chomhspéise. Tuigtear tionscadail lena mbaineann 'scála agus uailmhian' mar shaothar nach féidir a bhaint amach i do chleachtas reatha, atá suntasach ó thaobh físe de, is cuma faoin scála fisiciúil, saolta nó cainníochtúil.

D'fhéadfadh na tionscadail a bheartaítear mar fhreagairt don Ghairm Oscailte a bheith i bhfoirm ealaíne ar bith nó d'fhéadfadh siad a bheith trasdisciplíneach nó idirdisciplíneach.

Is le haghaidh tionscadail a thosófar in 2023 agus a chríochnófar in 2023 nó 2024 Gairmeacha Oscailte 2023 i gcomhpháirtíocht le Deich mBliana na gCuimhneachán.

An Próiseas iarratais

Déanfar an próiseas iarratais thar thrí chéim:

- Céim 1: Déanfaidh feidhmeannas na Comhairle Ealaíon measúnú ar thograí tosaigh tionscadail, agus cuirfear gearrliosta de thionscadail iarrthóirí le chéile (ag deireadh Céim 1) agus tabharfar cuireadh dóibh iarratas a dhéanamh ar Céim 2.
- Céim 2: Iarratas mionsonraithe don togra tionscadail: tabharfar cuireadh dóibh siúd ar cuireadh a dtograí ar ghearrliosta i nGairmeacha Oscailte 2023, Céim 1 chun iarratas a dhéanamh ar Ghairmeacha Oscailte, Céim 2 chun togra níos forbartha a sholáthar do

ghiúiré idirnáisiúnta lena mheasúnú. Roghnóidh an giúiré idirnáisiúnta gearrliosta deiridh (ag deireadh Chéim 2) i gcomhair agallaimh i gCéim 3.

- Céim 3: Cur i láthair agus agallamh: iarrfar ar na hiarrthóirí sin a roghnófar i gcomhair Chéim 3 freastal ar agallamh agus cur i láthair a dhéanamh don ghiúiré idirnáisiúnta bunaithe ar a gcuid faisnéise i gcomhair Chéim 2. (Is é an giúiré céanna a bheidh ann le haghaidh céimeanna 2 & 3.)

Tugtar am dóibh siúd a bhíonn ar an ngearrliosta ag deireadh Gairmeacha Oscailte 2023, Céim 1 chun a dtograí tosaigh a fhorbairt **mar iarratas nua** chuig Céim 2.

1.2 Cuspóirí, aidhm agus tosaíochtaí na Dámhachtana – Gairmeacha Oscailte

Cuspóirí

Chun deis uathúil a thabhairt d'ealaíontóirí agus eagraíochtaí na n-ealaíon plé le agus freagra a thabhairt do Dheich mBliana na gCuimhneachán trí thograí agus cláir náisiúnta nuálacha a chruthú.

Tacú le healaíontóirí saothar **nua** uaillmhianach agus comhoibritheach a chruthú don phobal, a mbaineann tionchar agus scála leis a spreagann dioscúrsa, gríosú nó freagra ar háit agus ar fhéiniúlacht mar chuid d'Éirinn na linne seo agus triail a spreagadh i réimse disciplíní ealaíonta.

Cuspóir

Bainfidh an Chomhairle Ealaíon cuspóirí na Dámhachtana – Gairmeacha Oscailte amach trí thacú leis na cineálacha tograí tionscadail seo a leanas:

- Tograí atá á stiúradh ag fíís an ealaíontóra (na n-ealaíontóirí) nó a fhorbraíonn uaillmhian an ealaíontóra (na n-ealaíontóirí)
- Tograí atá misniúil agus tograí a théann sa seans sa réimse cruthaitheach
- Tograí a spreagann comhoibriú idir foirmeacha ealaíne agus réimsí cleachtais ealaíne (m.sh. cleachtais ealaíne, tras-fhoirm ealaíne, ildisciplíneach nó comhchleachtas ealaíon)
- Tograí a leathnaíonn síneadh agus tionchar tionscadail, le cur chuige úr agus dinimiciúil i dtreo rannpháirtíocht an phobail; sa chomhthéacs sin, d'fhéadfadh rannpháirtíocht an phobail a bheith ag tagairt do rannpháirtithe agus/nó lucht féachana
- Tograí a léiríonn comhpháirtíochtaí tionscadail éifeachtacha, agus pleanáil tionscadail agus bainistíocht tionscadail.
- Tograí a léiríonn tiomantas do chéim taighde agus forbartha i bpleanáil tionscadail

Na Tosaíochtaí

Tabharfar tús áite don chineál seo tionscadal a leanas:

- Tionscadail a leathnaíonn críocha nua cleachtais ealaíon
- Tionscadail ina n-áirítear gnéithe idirnáisiúnta iomráiteacha i dtéarmaí sofheictheacht phoiblí agus comhpháirtíochtaí acmhainní-bhunaithe
- Éagsúlacht agus uileghabhálacht a spreagadh, a chothú agus a chumasú sna healaíona agus prionsabail an chomhionannas agus na héagsúlachta a léiriú i gcleachtais oibre.
- Freagra soiléir a thabhairt ar Dheich mBliana na gCuimhneachán.

Cuireann straitéis deich mbliana na Comhairle Ealaíon (2016–2025), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo: <http://www.artscouncil.ie/ga/straiteis-na-comhairle-ealaion/>).

1.3 Cé atá i dteideal iarratas a dhéanamh?

Tá an dámhachtain oscailte do dhaoine aonair agus d'eagraíochtaí ar cónaitheoirí de chuid Phoblacht na hÉireann iad. (Bíonn cásanna eisceachtúla ann nuair a ghlacann an Chomhairle Ealaíon le hiarratais incháilithe ó dhaoine nach bhfuil ina gcónaí i bPoblacht na hÉireann. Sula n-admhóidh an Chomhairle Ealaíon go bhfuil iarratas den sórt sin incháilithe, áfach, bheadh ar an gComhairle a bheith sásta go gcuirfeadh torthaí togra den sórt sin leis na healaíona i bPoblacht na hÉireann.)

Mar chuid dá [Beartas um Chomhionannas, Cearta an Duine agus Éagsúlacht](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir, beag beann ar inscne, claonadh gnéis, stádas sibhialta nó teaghlaigh, creideamh, aois, míchumas, cine nó duine den Lucht Siúil, nó cúlra socheacnamaíoch. Sa scéim mhaoinithe seo, cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach gan a bheith teoranta dóibh sin amháin agus/nó tionscnaimh a chuireann deiseanna nó torthaí cothroma ar fáil dóibh siúd atá bainteach leo.

1.4 Cé hé an t-iarratasóir?

Is ionann an t-iarratasóir agus an duine nó an eagraíocht a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.

Ní **íocfar** aon deontas a thairgfear ach isteach i **gcuntas bainc** atá á shealbhú in **ainm an iarratasóra**.

Ní mór go mbeadh na cáipéisí go léir a chuirfear ar fáil in ainm an iarratasóra (ealaíontóir aonair nó eagraíocht ealaíon) – e.g. má dhéanann tú iarratas chuig an gComhairle Ealaíon ar mhaoiniú faoin ainm Máire de Barra, ní mór go mbeadh gach cáipéis, lena n-áirítear sonraí **bainc** agus sonraí **cánach**, san ainm sin. Ní ghlacfar le leaganacha malartacha amhail Mary Barry nó Barry Studios.

1.5 Cé nach bhfuil i dteideal iarratas a dhéanamh?

Áirítear na daoine seo a leanas leo siúd nach bhfuil i dteideal iarratas a dhéanamh:

- Daoine atá i mbun oideachas fochéime nó iarchéime faoi láthair nó a bheidh ina bhun le linn na tréimhse ina bhfuil an dámhachtain seo ar fáil
- Iarratasóirí a bhfuil iarratas nár éirigh leis déanta acu cheana féin faoi scéim ar bith de chuid na Comhairle Ealaíon le haghaidh an togra chéanna, mura n-ordaíodh dóibh iarratas a dhéanamh
- Iarratasóirí a dhéanann iarratas maoinithe ar mhéid níos lú ná an dámhachtain íochtair:
 - €100,000 sa snáithe íochtair de Ghairmeacha Oscailte 2023
 - €251,000 sa snáithe uachtair de Ghairmeacha Oscailte 2023

- Iarratais ar thogra tionscadail a thosaíonn roimh mhí Eanáir 2023 (ní áirítear leis sin taighde ar tugadh faoi agus plé maidir le comhpháirtíochtaí atá riachtanach chun faisnéis iarratais a ullmhú)
- Na heagraíochtaí sin a bhfeilfeadh a ngníomhaíochtaí beartaithe níos fearr do scéim maoinithe eile de chuid na Comhairle Ealaíon.
- Comhaltaí de Chomhairle na bhForas Cultúrtha Náisiúnta (CNCI) atá maoinithe go díreach ag an Roinn Turasóireachta, Cultúir, Ealaíon, Gaeltachta, Spóirt agus Meán.

1.6 Cad is féidir leat iarratas a dhéanamh air?

Is é an t-uasmhéid a dhámhfar ar iarratas rathúil sa Snáithe Íochtair de Ghairmeacha Oscailte 2003 ná:	€250,000
Is é an t-uasmhéid a dhámhfar ar iarratas rathúil sa Snáithe Uachtair de Ghairmeacha Oscailte 2003 ná:	€500,000*

Tabhair faoi deara: féadfaidh duine ar leith nó eagraíocht iarratas amháin a dhéanamh ar Ghairmeacha Oscailte 2023, agus dá bharr ní féidir ach iarratas a dhéanamh ar cheann amháin den dá shnáithe atá ar fáil. Ba cheart duit an snáithe is oiriúnaí do do thogra nó do chlár a roghnú.

Féadfaidh tú iarratas a chur isteach ar mhaoiniú i dtaca le costais a bhfuiltear ag súil leis go dtabhóidh do thionscadal iad. D'fhéadfadh na nithe seo a leanas a bheith san áireamh:

- Táillí na n-ealaíontóirí go léir ** agus táillí taibhithe agus coimisiúnaithe
- Costais taighde agus forbartha
- Costais theicniúla agus léiriúcháin
- Costais riaracháin agus costais seachadta an tionscadail
- Costais fógraíochta agus poiblíochta
- Costais an chláir rannpháirtíochta sa phobal.
- Costais Rochtana a bhaineann le Daoine Faoi Mhíchumas (más ann dóibh)*

Costais rochtana d'ealaíontóirí atá faoi mhíchumas

Anuas ar an uasmhéid atá ceadaithe, déanfaidh an Chomhairle Ealaíon measúnú ar chostais rochtana a bhaineann go sonrach le saothair a dhéanann ealaíontóirí faoi mhíchumas, agus/nó costais neamhchaitil maidir le rochtain don phobal (mar shampla, tráchtairacht fuaime, léiriúcháin) i gcásanna ina bhfuil toradh poiblí.

Más mian leat cur isteach ar mhaoiniú breise ar an mbonn sin, ba cheart duit an fhaisnéis seo a leanas a uaslódáil le d'iarratas:

- Méid do chostais rochtana sa chuid caiteachais de bhuiséad d'fhoirme iarratais. Ba cheart an figiúr sin a áireamh leis an méid iomlán a iarrann tú freisin.

- Cáipéis ghairid ina dtugtar achoimre ar do chostais rochtana bhreise. NÍ MÓR dó seo a bheith ar leithligh agus i dteannta le d'fhoirm iarratais (Féach ar **Chuid 1.8 Cén t-ábhar tacaíochta nach mór duit a chur isteach le d'iarratas?**)

Cad is Costas Rochtana ann?

Cumhdaítear aon riachtanais a bhféadfadh a bheith ag ealaíontóirí faoi mhíchumas le costais rochtana, ionas go mbaintear aon chonstaic a d'fhéadfadh cosc a chur ort do thogra a chríochnú. I dtaobh iarratas sparánachta, d'fhéadfadh costais rochtana áirithe a bheith san áireamh, mar shampla, costais i gcomhair am breise atá ag teastáil chun gné do thogra a chríochnú nó cúnaimh sa bhreis chun do ghníomhaíocht mholta a sholáthar.

Glacaimid leis an sainmhíniú ar mhíchumas ó Choinbhinsiún na Náisiún Aontaithe ar Chearta Daoine faoi Mhíchumas, ina sonraítear: 'Áirítear i measc daoine faoi mhíchumas na daoine sin ar a bhfuil mallachair fhadtéarmacha de chineál fisiciúil, meabhrach, intleachtúil nó céadfaíoch ar mallachair iad, nuair a nasctar iad le nithe eile, a d'fhéadfadh a bheith ina gcúis le cosc ar pháirteachas iomlán éifeachtach sa tsochaí ar an mbonn céanna le daoine eile.'

Mar gheall ar an gcaoi a miondealaítear na costais a bhaineann le do thogra agus ar an gcaoi a ndáileann tú na hacmhainní, bíonn tuairim mhaith ag measúnóirí na Comhairle Ealaíon faoi indéantacht do thionscadail agus cibé acu an bhfuil nó nach bhfuil sé costáilte go réalaíoch.

Cé mhéad maoinithe ar féidir leat iarratas a dhéanamh air?

Sa Snáithe Íochair:

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú i gcuid 3 den fhoirm iarratais. Níor cheart go mbeadh an figiúr seo **NÍOS** ísle ná €100,000 ná **NÍOS** airde ná teorainn na dámhachtana, €250,000.*

Tabhair faoi deara: NÍOR cheart don mhéid a iarrann tú ón gComhairle Ealaíon a bheith níos mó ná 90% de do chostais iomlána (i.e. má chosnaíonn an tionscadal iomlán €250,000, is é an méid tacaíochta is mó ba cheart duit a iarraidh ná €225,000).

Ba cheart gurb ionann d'ioncam agus 10% ar a laghad de chostas iomlán an tionscadail (má chosnaíonn an tionscadal iomlán €250,000, is é an méid ioncain is lú ba cheart duit a léiriú ná €25,000).

Sa Snáithe Uachtair:

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú i gcuid 3 den fhoirm iarratais. Níor cheart go mbeadh an figiúr seo **NÍOS** ísle ná €251,000 ná **NÍOS** airde ná teorainn na dámhachtana, €500,000*

NÍOR cheart don mhéid a iarrann tú ón gComhairle Ealaíon a bheith níos mó ná 90% de do chostais iomlána (i.e. má chosnaíonn an tionscadal iomlán €500,000, is é an méid tacaíochta is mó ba cheart duit a iarraidh ná €450,000).

Ba cheart gurb ionann d'ioncam agus 10% ar a laghad de chostas iomlán an tionscadail (má chosnaíonn an tionscadal iomlán €500,000, is é an méid ioncaim is lú ba cheart duit a léiriú ná €50,000).

Bainteach don dá shnáithe:

Ba cheart go n-áireofaí le caiteachas beartaithe gach costas incháilithe a bhaineann le d'iarratas (féach ar chuid **1.6 Cad is féidir leat iarratas a dhéanamh air?**)

Ba cheart go n-áireofaí leis an ioncam beartaithe an méid airgid a shíleann tú a gheofar ó mhaoinitheoirí eile, fáltais ó dhíol ticéad, díolacháin chlár, urraíocht tráchtála, etc.

Is tábhachtach freisin gach tacaíocht chomhchineáil a léiriú **san ioncam agus sa chaiteachas araon chun fíorluach agus luach iomlán do thogra a chur in iúl.

***Nóta maidir leis an uasteorainn dámhachtana a shárú**

Déantar eisceacht do chostais rochtana maidir le míchumas nuair a d'fhéadfaí an uasteorainn dámhachtana a shárú. Sna cúinsí seo, ní mór costais rochtana maidir le míchumas a leagadh amach go soiléir i d'iarratas togra. **(Féach ar chuid 1.8 Cén t-ábhar tacaíochta nach mór duit a chur isteach le d'iarratas?)**

****Nóta maidir le pá ealaíontóirí**

Tá an Chomhairle Ealaíon tiomanta do phá agus coinníollacha ealaíontóirí a fheabhsú. Sa chomhthéacs seo, tá [beartas](#) foilsithe ag an gComhairle Ealaíon maidir le luach saothair agus conraitheoireacht chóir chothrom ealaíontóirí. Áirítear anseo prionsabail an chleachtais is fearr ar cheart dóibh siúd ar fad a oibríonn sna healaíona a bheith ag dréim leo.

Caithfear gach ealaíontóir a bhíonn páirteach i ngníomhaíochtaí a mhaoiníonn an Chomhairle Ealaíon a íoc go cóir. Caithfidh aon duine a bhfuil maoiniú á lorg acu ón gComhairle Ealaíon insint dúinn cén chaoi a gcinnteoidh siad go bhfaighidh ealaíontóirí pá agus coinníollacha córa agus sonraí maidir leis sin a thabhairt ina mbuiséid. Úsáidfimid é seo mar chuid den phróiseas measúnaithe, agus ní thairgfimid aon mhaoiniú má mheasaimid go bhfuil an pá ró-íseal nó faoi chaighdeán an tionscail, nó nach bhfuil téarmaí an fhostaithe cuí. Trínár meicníochtaí tuairiscithe, déanfaimid monatóireacht ar chomhlíonadh.

Ní leagaimid amach ná ní mholaimid rátaí pá ach aithnímid ról na n-eagraíochtaí sin a bhfuil sainordú acu sin a dhéanamh agus tagraímid dóibh sin i gcás gur ann dóibh. Tugaimid tiomantas freisin do thacú le príomheagraíochtaí ionadaíocha agus acmhainne chun athbhreithniú a dhéanamh ar rátaí tionscail agus chun uirlisí nua a fhorbairt a thacaíonn leis an bpróiseas conraitheoireachta.

****Nóta maidir le tacaíocht chomhchineáil**

Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba cheart duit caitheamh le tacaíocht

chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba cheart duit é a dhearbú freisin ar thaobh an ioncaim.

Ní féidir am a thugann na stiúrthóirí nó comhaltaí boird a áireamh mar chostas comhchineáil.

Más ioncam comhchineáil amháin atá san ioncam iomlán le haghaidh do thionscadail, ní mór duit a mhíniú cén fáth nach gcuirtear foinsí ioncaim eile ar fáil sa bhuiséad atá beartaithe agat.

Iarrtar ort an t-ioncam, an caiteachas agus an méid atá á iarraidh agat a shonrú ag dhá chéim le linn d'iarratais:

- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais.

Cinntigh go bhfuil na figiúirí iomlána mar an gcéanna sa dá chás, agus cinntigh gurb ionann an méid atá á iarraidh agus CAITEACHAS IOMLÁN lúide IONCAM IOMLÁN.

1.7 Cad nach féidir leat iarratas a dhéanamh air?

I measc na ngníomhaíochtaí agus na gcostas nach féidir leat cur isteach orthu, tá siad seo a leanas:

- Mórcheannacháin chaipitiúla
- Príomhchostais Leanúnacha
- Gníomhaíochtaí nó costais nach n-oireann do chuspóir na dámhachtana
- Gníomhaíochtaí a d'oirfeadh níos fearr do dhámhachtain eile arna maoiniú ag an gComhairle Ealaíon nó arna feidhmiú ag gníomhaireachtaí stáit eile, amhail Cultúr Éireann
- Gníomhaíochtaí nach bhfuil i gceist leo ach camchuart léiriúchán atá ann cheana féin
- Gníomhaíochtaí a bhí ar siúl cheana féin nó a gcuirfead tús leo sula ndéanfar cinneadh faoi d'iarratas
- Gníomhaíochtaí chun airgead a thiomsú le haghaidh carthanais, chun páirt a ghlacadh i gcomórtas, nó a bheidh ar siúl go príomha chun brabús a dhéanamh
- Gníomhaíochtaí cláir a dtacaítear leo faoi láthair trí Mhaoiniú Straitéiseach na Comhairle Ealaíon.

1.8 Cén t-ábhar tacaíochta nach mór duit a chur isteach le d'iarratas?

Ciallaíonn ábhar tacaíochta ábhar **ar leith ó** d'fhoirm iarratais agus **sa bhreis air**. Cabhraíonn sé seo leis an duine a bhfuil measúnú á dhéanamh aige ar d'iarratas chun tuiscint níos soiléire a fháil ar do thogra. Léigh go han-chúramach an liosta seo a leanas den ábhar tacaíochta a theastaíonn, mar is é an chúis is mó a meastar iarratais a bheith neamh-incháilithe ná go dteiptear cloí leis seo.

Le bheith incháilithe le haghaidh measúnú faoi Ghairmeacha Oscailte, **caithfidh** tú an t-ábhar tacaíochta éigeantach seo a leanas a chur isteach ar líne:

ÁBHAR TACAÍOCHTA ÉIGEANTACH

- Beathaisnéisí nó CVanna mionsonraithe atá cothrom le dáta (trí leathanach ar a mhéad le haghaidh gach beathaisnéise a chuirtear isteach) de chuid na n-ealaíontóirí uile agus

na **bpríomhdhaoine aonair** eile atá páirteach sa tionscadal a bheartaítear faoi mar a thagraítear dó i gcuid 2.7 de d'fhoirm iarratais.

NÍL GÁ le beathaisnéisí grúpa nó eagraíochta mar ábhair thacaíochta.

- Suas le trí shampla de shaothar roimhe seo a mheasann tú a bheith ábhartha do d'iarratas, e.g. taifeadtaí, gearrthóga físe, grianghraif, scóir cheoil nó sleachta as saothair liteartha (deich leathanach ar a mhéad).

Ábhar breise a bhíonn de dhíth i gcúinsí áirithe

Má tá tú ag lorg costais rochtana bhreise chun tacú le hobair daoine aonair a bhfuil riachtanais rochtana acu, nó chun tacú le rochtain ar d'áit oibre do lucht féachana a bhfuil riachtanais rochtana acu, cuir cáipéis san áireamh a leagann amach na costais sin, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.

Má tá obair le hainmhithe i gceist le do thogra, ní mór duit cóip den cháipéis *Beartas agus Nósanna Imeachta um Chosaint Ainmhithe* de do chuid a chur ar fáil.

D'iarratais a bhaineann le leanaí agus do dhaoine óga atá faoi bhun 18 mbliana d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do *leanaí agus do dhaoine óga atá faoi bhun ocht mbliana déag d'aois* beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisgrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat.
- Má éiríonn leat, iarrfar ort Féin-iniúchadh Dearbhaithe Cáilíochta na Comhairle Ealaíon i dtaca le Cosaint agus Leas Leanaí a chomhlánú ar <https://childprotection.artscouncil.ie/>. Téigh chuig www.tusla.ie le tuilleadh faisnéise a fháil maidir le Tús Áite do Leanaí.
- Éileofar ort freisin do chuid sonraí a nuashonrú sa táb faisnéise faoin bpróifíl sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Le haghaidh iarratas a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má chuireann tú tic sa bhosca Tá, cuireann tú in iúl go n-oibreoidh tú leis an aoisgrúpa seo nó go gcuirfidh tú obair i láthair don aoisgrúpa seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

*Tabhair faoi deara le do thoil go bhféadfaí iarradh ort níos mó fianaise a chur ar fáil i dtaca le cloí leis na beartais seo má bhíonn rath ar d'iarratas.

Measfar d'iarratas neamh-incháilithe MURA gcuirfidh tú an t-ábhar tacaíochta éigeantach is gá isteach.

Nóta tábhachtach

I gCéim 1, **NÍ** ghlacfaimid le haon ábhair bhreise nach bhfuil leagtha amach thuas i gcodanna **1.8** agus **1.6**. Ná tabhair ábhair nach bhfuil iarrtha mar ní chuirfear iad san áireamh mar chuid den mheasúnú de d'iarratas i gCéim 1

An fhormáid le haghaidh ábhar tacaíochta

Ní mór gach ábhar tacaíochta don Ghairm Oscailte **a chur isteach ar líne**. Ní ghlacfar le hábhar tacaíochta i gcruachóip. Lean na treoirlínte seo le haghaidh na gcineálacha éagsúla ábhar tacaíochta.

Cuir faisnéis chomhthéacsúil san áireamh le haghaidh gach ábhair tacaíochta i dtéacschomhad atá lipéadaithe go soiléir.

Grianghraif	Lipéadaigh gach íomhá go soiléir agus déan cinnte go soláthraíonn tú eolas comhthéacsúil ábhartha. D'fhéadfaí sonraí a chuimsiú maidir le teideal agus dáta na saothar, le meáin agus toisí, leis an áit ar cuireadh an saothar i láthair, etc.
Saothar d'íomhánna gluaiстеacha	Cuir faisnéis chomhthéacsúil ábhartha ar fáil. D'fhéadfadh sonraí a bheith i gceist leis sin faoin saothar, cá huair a léiríodh nó cá háit ar léiríodh é, tráchtairacht ar théama an tsaothair nó tráchtairacht ghinearálta, ainm na dtaibheoirí, conas a maoiníodh an saothar (e.g. dámhachtain, féinmhaoiniú). Níor cheart na sleachta a bheith níos faide ná trí nóiméad agus níor cheart níos mó ná trí shliocht a chur isteach.
Taifeadtaí ceoil/fuaim	Áirigh ainmneacha taibheoirí agus tabhair sonraí ionstraimíocht más iomchuí.
Samplaí scríbhneoireachta	Ná cuir isteach níos mó ná deich leathanach de shaothar liteartha nó de script – ní féidir le baill den phainéal piaraí idirnáisiúnta scrípteanna dráma/scannáin nó lámhscríbhinní liteartha iomlána eile a léamh.
Tagairtí do shaothair réimse phoiblí/fhoilsithe	Tabhair go leor sonraí ionas go mbeifear ábalta na saothair a aithint go soiléir – e.g., sonraí foilseacháin maidir le leabhair, sonraí suímh maidir le foirgnimh nó suiteálacha, etc.

Má bhíonn tuilleadh faisnéise uait faoi na formáidí is féidir leat a úsáid faoi choinne an ábhair tacaíochta is mian leat a uaslódáil mar chuid de d'iarratas, féach ar chuid **2.3 Ullmhaigh aon ábhar tacaíochta atá riachtanach don iarratas**.

1.9 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Níor chomhlánaigh tú gach cuid den fhoirm iarratais a bhaineann le do thogra.
3. Níl tú incháilithe iarratas a dhéanamh faoi na critéir a leagtar amach i gcuid 1.3 agus i gcuid 1.5 thuas.
4. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar a leagtar amach i gcuid 1.6 thuas.
5. Chuir tú isteach ar mhéid maoinithe atá níos lú ná an t-íosmhéid a cheadaítear don dámhachtain ar a bhfuil iarratas á dhéanamh agat, faoi mar a leagtar amach i gcuid 1.6 thuas.
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.7 thuas.
7. Níor chuir tú gach ceann de na hábhair thacaíochta riachtanacha mar a leagtar amach i gcuid 1.8 thuas ar fáil.
8. Tá d'iarratas níos oiriúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirfimid an deis maoinithe níos oiriúnaí in iúl duit sa chás seo).

Tabhair faoi deara: sa chás go meastar go bhfuil d'iarratas neamh-incháilithe, ní dhéanfar measúnú air agus beidh tú in ann iarratas a dhéanamh leis an togra céanna i mbabhtáí maoinithe sa todhcháí.

2. An dóigh le d'iarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Ní mór do do ríomhaire agus don bhrabhsálaí Idirlín na riachtanais seo a leanas a chomhlíonadh ionas go n-oibreoidh na seirbhísí ar líne duit:

PC Córas oibriúcháin Windows 7 nó leagan níos déanaí de Windows leis na leaganacha brabhsálaithe seo a leanas: Microsoft Edge (v.94) nó Firefox (v.27) nó Chrome (v.33), nó leagan níos déanaí d'aon cheann de na brabhsálaithe sin.

Mac Mac OS X v10.5 Leopard nó leagan níos déanaí de chóras oibriúcháin Mac leis na leaganacha brabhsálaithe seo a leanas: Safari (v.3.1) nó Firefox (v.27) nó Chrome (v.32) nó Microsoft Edge (v.94), nó leagan níos déanaí d'aon cheann de na brabhsálaithe sin.

Tabhair faoi deara: Má choisceann Safari 11 uaslódáil cáipéisí, úsáid leagan níos déanaí de Safari, nó brabhsálaithe difriúla ar nós Firefox, Chrome, nó Microsoft Edge.

Tabhair faoi deara: ní mór go mbeadh Microsoft Word nó OpenOffice Writer ar an ríomhaire freisin chun an fhoirm iarratais féin a chomhlánú. Bogearra saor in aisce is ea OpenOffice Writer is féidir a íoslódáil anseo: <https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9Xxgmg0Eo>.

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ar bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuaí de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spríodhata.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spríodhata agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spríodhata. Ba cheart duit d'iarratas a ullmhú agus a chur isteach tamall maith roimh an spríodhata.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig onlineservices@artscouncil.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuairisciú dúinn tamall maith roimh an spríodhata. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileáilimid le fiosruithe ar bhonn tús freastail ar an gceann is tuisce.

Cuimhnigh go ndéantar anrud glaonna ag druidim leis an spríodhata agus go mb'fhéidir nach réiteofar glaonna i dtaobh tacaíochta theicniúil a gheofar tar éis a 2.00 p.m. ar lá an spríodhata.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaíon in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuid i gceist leis seo – e.g. téacs, físeán, íomhánna nó taifeadtaí fuaimne (féach ar chuid **1.8 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas formáidí comhaid do d'ábhar tacaíochta.

Cineál comhaid	Iarmhír comhadainm
téacscomhaid	.rtf/.doc/.docx/.txt

comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe Acrobat Reader	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Féadfaidh tú naisc a chur ar fáil chuig ábhar atá á óstáil ar YouTube (www.youtube.com) nó suíomhanna gréasáin eile ar ar féidir comhaid a chomhroinnt (e.g. Vimeo, Soundcloud) seachas an t-ábhar a uaslódáil go díreach. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil) isteach i gcáipéis Microsoft Word nó OpenOffice Writer nó doiciméid PDF agus uaslódáil í mar cháipéis tacaíochta ina bhfuil nasc gréasáin.

Tabhair faoi deara: ní bhreathnóidh na measúnóirí ach amháin ar ábhar arna chur isteach agat de réir an nasc URL a gcuireann tú ar fáil. Seiceáil go n-oibríonn an nasc ó laistigh den cháipéis a uaslódáil tú – i.e., go nascann sé i gceart le d'ábhar.

Mura mian leat go mbeadh ábhar a uaslódálann tú chuig YouTube le haghaidh d'iarratais le feiceáil go poiblí, féadfaidh tú d'fhíseán a ainmniú mar cheann 'neamhliostaithe' sna socruithe. Ná marcáil d'ábhar mar 'príobháideach' mar nach mbeidh measúnóirí na Comhairle Ealaíon in ann breathnú air.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis. Mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha maithe le tabhairt ar chomhaid i gcás iarratasóra darb ainm Jack Russell	russelljack iarratas ar Thionscadal Ailtireachta.doc russelljack gearrthóg léirithe.mp4 russelljack Tionscadal ailtireachta teimpléad buiséid babhta 2.xls russelljack nasc youtube.doc
--	--

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

2.4 D'Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tús a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil

thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán** lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mór duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá tú muiníneach go bhfuil d'fhoirm iarratais líonta isteach i gceart agus go bhfuil sí sábháilte mar chomhaid **.docx**, ach tagann fógra aníos ag rá nach féidir an fhoirm a uaslódáil, sábháil í mar chomhaid **.doc** agus déan iarracht í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfeá i ngach comhfhreagras a bhaineann leis an iarratas seo. **Tabhair faoi deara:** tá sé tábhachtach go rachfá i dteagmháil le onlineservices@artscouncil.ie mura bhfaigheann tú an dara ríomhphost deimhnithe ina mbeidh an uimhir iarratais.

3. Próiseáil agus measúnú na n-iarratas

3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom trédhearcach ann maidir le dámhachtainí a bhronnadh.

3.2 An próiseas measúnaithe Céim 1

Déanann an Chomhairle Ealaíon gach iarratas a fhaightear a phróiseáil mar seo a leanas:

- 1 Déantar na hiarratais a admháil.
- 2 Déantar na hiarratais a mheas maidir lena n-incháilitheacht agus ní chuirtear iarratas neamh-incháilithe ar bith san áireamh.
- 3 Déanann an coiste feidhmiúcháin measúnú ar an iarratas agus tugann scór dó.
- 4 Molann an coiste feidhmiúcháin iarratas a chur ar an ngearrliosta nó gan iarratas a chur ar an ngearrliosta do Chéim 2 bunaithe ar an scór sin.
- 5 Cuirtear na cinntí go léir in iúl don iarratasóir i scríbhinn. Is féidir le hiarratasóirí atá ar an ngearrliosta iarratas a dhéanamh ar Chéim 2.

Achar ama

Tá súil ag an gComhairle Ealaíon cinntí chéim 1 maidir le Gairmeacha Oscailte a chur in iúl d'iarratasóirí i mí an Mheithimh/mí Iúil 2022.

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear an fhoirm iarratas agus na hábhair thacaíochta san áireamh. Déantar measúnú ar gach iarratas i gcoinne na gcritéar seo a leanas: **a)** fiúntas ealaíne, **b)** an chaoi a gcomhlíonann siad cuspóirí, aidhm agus tosaíochtaí na dámhachtana, agus **c)** indéantacht. Cuirtear síos ar gach ceann de na critéir sin thíos.

Cé go bhféadfadh iarratasóirí foirmeacha ealaíne/cleachtas ealaíon eile a roghnú mar chinn a bhaineann lena n-iarratas, déanfaidh an fhoireann atá freagrach as an bpríomhfhoirm ealaíne roghnaithe measúnú ar an iarratas agus d'fhéadfaidís siúd, i gcásanna áirithe, measúnú tánaisteach a iarraidh ó fhoireann eile.

Fiúntas ealaíne

I gcás an mheasúnaithe ar an bhfiúntas ealaíne, díritear ar chleachtas an iarratasóra roimhe sin agus ar nádúr na gníomhaíochta atá beartaithe, chomh maith le breithniú ar an méid seo a leanas:

- Caighdeán an smaoinimh agus na gníomhaíochta ealaíon atá beartaithe de réir mar atá léirithe san fhoirm iarratais agus sna hábhair thacaíochta a cuireadh isteach
- Cuntas teiste na foirne ealaíon a bhfuil baint acu leis an tionscadal de réir mar atá léirithe sa CV nó sna CVanna agus sna hábhair thacaíochta eile a cuireadh isteach
- Cumas an iarratasóra/ealaíontóra a bheartaítear arna léiriú leis an bhfoirm iarratais agus leis na hábhair eile a cuireadh isteach

- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uailmhian, an úrnuacht agus an inniúlacht atá léirithe ag an togra.

Cuspóirí, aidhm agus tosaíochtaí na dámhachtana a chomhlíonadh

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – feic cuid **1.2 Cuspóirí, aidhm agus tosaíochtaí na dámhachtana seo** le tuilleadh sonraí a fháil.

Indéantacht

Breithneofar i measúnú ar indéantacht an cumas a léiríonn an t-iarratasóir chun an ghníomhaíocht bheartaithe a chomhlíonadh agus chomh mór is a chuireann sé le tionchar an mhaoinithe poiblí. Áirítear air sin breathnú ar na nithe seo a leanas:

- An fhoireann a bhfuil baint acu leis an tionscadal a bhainistiú, a riar, agus a sholáthar
- A oiread a léiríonn an t-iarratasóir go bhfuil coinníollacha agus luach saothair cothrom á soláthar do na healaíontóirí rannpháirteacha
- Comhpháirtithe eile a bheith rannpháirteach sa tionscadal
- An buiséad atá beartaithe
- Foinsí eile ioncaim
- Bainistíocht tionscadal.

3.4 Próiseas scórála

Tá sé beartaithe le córas scórála na Comhairle Ealaíon i gcomhair na Dámhachtana Gairmeacha Oscailte soiléireacht a chur ar fáil d'iarratasóirí maidir leis an gcaoi a ndéantar a n-iarratas a mheas i gcoinne na gcritéar measúnaithe. Tugann na scóir léiriú ar a mhéid a cheaptar gur chomhlíon na hiarratais gach critéar.

Breithneoidh measúnóirí na hiarratais ag baint úsáid as a mbreithiúnas gairmiúil féin, bunaithe ar an bhfaisnéis a bheidh ar fáil san iarratas, ar a n-eolas faoi obair d'eagraíochta san fhearann poiblí, ar a n-eolas faoi thírdhreach na n-ealaíon i gcoitinne, agus ar an gcomhthéacs iomaíoch ina ndéantar na hiarratais ar fad a mheasúnú.

Féadfaidh na measúnóirí scór a bhronnadh go dtí an 0.5 is gaire.

Is iad seo a leanas na scóir a úsáidfear:

Scór uimhriúil	Luach focal	Míniú
6	Go hlontach	Pléitear gach gné ábhartha den chritéar go cuimsitheach agus go sármhaith san iarratas. Níl easnaimh ar bith in aon chor ann. Coimeádtar an scór seo le haghaidh na ngnéithe is fearr ar fad de na hiarratais agus úsáidfear é go fíorspárálach.

5.5		Ag barr 'Sármhaith'.
5	Sármhaith	Pléitear gach gné ábhartha den chritéar go sochreidte agus go rathúil san iarratas. Soláthraítear an fhaisnéis agus an fhianaise ar fad a theastaíonn agus níl buarthaí ná réimse laige ar bith ann.
4.5		Ag barr "Go hAn-Mhaith".
4	Go hAn-Mhaith	Pléitear an critéar go han-mhaith san iarratas. Tugtar faisnéis shoiléir faoin bhfianaise a theastaíonn ann. Tá buarthaí agus réimsí laige ar bith fánach.
3.5		Ag barr 'Go Maith'.
3	Go maith	Pléitear an critéar go maith san iarratas, cé go bhféadfaí roinnt feabhsuithe a dhéanamh. Tugtar faisnéis ann ar gach gné den fhianaise a theastaíonn beagnach, cé go bhfuil roinnt bearnaí ann.
2.5		Idir "Maith go Leor" agus "Go Maith"
2	Maith go leor	Déantar plé leathan ar an gcritéar san iarratas, ach tá laigí ann. Tugtar faisnéis ábhartha ann, ach tá roinnt réimsí ann ina bhfuil sonraí in easnamh nó ina bhfuil an fhaisnéis doiléir.
1.5		Ag bun 'Maith go leor'.
1	Go dona	Tá beagán fianaise nó faisnéis ábhartha san iarratas i gcomhthéacs an chritéir agus níl sé fíorláidir nó áititheach i gcomhthéacs maoiniú iomaíoch.
0	Easnamhach	Ní pléitear an critéar san iarratas nó ní féidir breithiúnas a thabhairt air mar gheall ar fhaisnéis ar iarraidh nó atá neamhiomlán.

Conas a ualaítear na scóir?

Déanfar gach scór faoi gach critéar a mhéadú faoi ualú chun rátáil a fháil. Cinntear an rátáil de réir na tábhachta coibhneasta a chuireann an Chomhairle Ealaíon le gach critéar. Léirítear an scór deiridh mar chéatadán.

Bainfear úsáid as na peircintílí agus an t-ualú seo a leanas:

	Peircintíl	Ualú
Fiúntas ealaíne	40%	(6.66)
Cuspóirí, aidhm agus tosaíochtaí a chomhlíonadh	40%	(6.66)
Indéantacht	20%	(3.33)
Iomlán	100%	

Sampla

Critéar	Scór	Ualú	Céatadán
Fiúntas ealaíne	5.0	(6.66)	33.3%
Cuspóirí, aidhm agus tosaíochtaí a chomhlíonadh	3.0	(6.66)	19.9%
Indéantacht	4.0	(3.33)	13.3%
Iomlán			66.5%

Cén bhaint atá ag scóir leis an ngearrliosta?

- Gheobhaidh iarratais ar fhoirm ealaíne amháin measúnú amháin, a ndéanfar scóráil air agus cuirfear na scóir go léir le chéile chun an **scór deiridh** a chruthú.
- Gheobhaidh foirm ealaíne idirdisciplíneach/trasnaithe nó iarratais um cleachtas ealaíon comhcheangailte dhá mheasúnú. Déanfar scóráil ar gach measúnú agus cuirfear na scóir go léir le chéile chun scór iomlán a chruthú. Cruthófar **scór deiridh** an iarratasóra ó mheán an scóir iomláin.

Cinnfear gearrliosta na n-iarratasóirí de réir na scór deiridh i gCéim 1 de Ghairmeacha Oscailte. Ní mór d'iarratasóirí na riachtanais seo a leanas a chomhlíonadh ionas go gcuirfear ar an ngearrliosta iad agus ionas go bhfaighidh siad cuireadh le bheith páirteach i gCéim 2 den Dámhachtain – Gairmeacha Oscailte:

- Ní mór d'iarratais 1.5 ar a laghad a scóráil i ngach réimse critéir
- Caithfidh iarratasóirí scór **deiridh** a bhaint amach a chuireann iad sa:
 - 40% is fearr de na hiarratais sa Snáithe Íochtair a ndearnadh measúnú orthu nó
 - 30% is fearr de na hiarratais sa Snáithe Uachtair a ndearnadh measúnú orthu

3.5 Dearbhú leasa

D'fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhu má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann 'leas' a bheith ina 'leas airgid' nó ina 'leas

neamhairgid' (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfhoirmiúil, etc.)

Ní mór an leas a dhearbhu a luaithe agus is eol don chomhalta painéil é. D'fhéadfadh sé sin tarlú nuair a iarrtar air/uirthe suí ar an bpainéal (más eol an 'leas' ag an bpointe sin) nó tar éis liosta na n-iarrthóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéil.

I roinnt cásanna b'fhéidir nach dtuigfeadh comhalta painéil go bhfuil coinbhleacht leasa ann go dtí go bhfaigheann sé/sí na páipéir phainéil chun iad a athbhreithniú. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dó/di é sin a dhearbhu a luaithe agus is eol dó/di go bhfuil a leithéid ann agus an fógra sin a thabhairt i scríbhinn roimh an gcuinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.6 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfear litir chugat ag tabhairt cuiridh duit iarratas a dhéanamh ar Ghairmeacha Oscailte, Céim 2.

Mura n-éiríonn le d'iarratas, is féidir leat aiseolas agus cóip de do mheasúnú scríofa a iarraidh ar fhoireann na Comhairle Ealaíon. Níl aon ghealltanais ann go mbronnfar dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

3.7 Achomhairc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomharc ar <http://www.artscouncil.ie/ga/Maoiniu/Achomhairc/> nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomharc.